



UNIVERSITÄTS-
BIBLIOTHEK
PADERBORN

Universitätsbibliothek Paderborn

Tractatus De Iurisdictione Episcoporum Germaniae

Wintzler, Christoph

Coloniae, 1614

2. Qui sint Archiepiscopi & Episcopi in Germania.

urn:nbn:de:hbz:466:1-10387

uincia, *c. Tingualdum* 11. q. 3. Magdeburgensis in Germania, ex beneficio Benedicti VI. Papæ. *Pet. Cudsem. in suo Apologet. cap. 18.* cuius tamen in reliquos Archiepiscopos nulla est potestas, nec esse potest, quam diu sacros canones, non agnoscit. *arg. §. sed neque. §. sed etiam. auth. Quo oport. Episc. col. 1.* Omnium supremus est Pontifex siue Papa. *d. c. clericos. dist. 21. Plura de his apud Lancell. Conrad. d. loc. cap. 1. in seqq. Pet. Gregor. Tholos. in Syntag. Iur. vniuers. lib. 15. ca. 3. & seqq. Tob. Paurmeist. lib. 2. de Iurisd. cap. 7.*

TITVLVS II.

Qui sint Archiepiscopi & Episcopi in Germania.

1. **I**N Germania referuntur septem Archiepiscopi.
2. Moguntino subsunt XII. suffraganei.
3. Coloniensi quot & qui?
4. Treuirensi quid?
5. Magdeburgensi & Saltzburgensi, quid?
6. Rigenfis & Pragensis non parent Imperio.

1. **I**N Germania referuntur septem Archiepiscopi, 1. Moguntinus, 2. Treuirensis, 3. Coloniensis, 4. Magdeburgensis, 5. Saltzburgensis, 6. Bisontinus, 7. Bremensis. Moguntino subsunt suffraganei,

EPISCOP. GERMANIÆ. II

nei, siue Episcopi comprouinciales, Her-
 bipolensis, Spirensis, Argentinensis, Con-
 stantiensis, Wormatiensis, Augustanus,
 Paderbornensis, Hildessiensis, Eichstaten-
 sis, Curiensis, Halberstatensis, & Ver-
 densis. Coloniensi subsunt, Leodiensis, 3.
e. sicut tuis x. de simon. Monasteriensis, Min-
 densis, Osnabrugensis & Ultraiectinus, sed
 hic ante aliquot annos, cum tot noui Epi-
 scopatus in Belgio sunt erecti, in Archiepi-
 scopatum eleuatus eoque modo superiorita-
 ti Coloniensi subtractus est, prouincia eius
 ad Circulum Burgundiæ pertinens, Impe-
 rio non contribuere tenetur. §. nach dem
 auch von / r. Reichs abscheidt. de anno 1548.
 prout & iam diu ante, Episcopatus Bremen-
 sis, Crantz. in metrop. Saxo. ca. 19. & seqq.
 Treuerensi subsunt, Metensis, Verdunen- 4.
 sis, & Tullensis, qui etsi anno 1552. vt con-
 queruntur historix & acta imperij per regem
 Gallix, quoad secularem Iurisdictionem im-
 perio Romano sint subducti, nihilominus v-
 ti canones & religionem Catholicam colen-
 tes suo Archiepiscopo in spiritualibus pare-
 bunt. Magdeburgensi subsunt, Misnensis, 5.
 Mersburgensis, Naumburgensis, Siue Cit-
 zensis, iuxta Munster. in chronic. Brandebur-
 gensis & Huelburgensis. Saltzburgensi sub-
 sunt, Ratisbonensis, Patauiensis, Tridenti-
 nus, Frisingensis, Brixiensis, Gurcensis,
 Chiemensis, Seccouiensis, Lauentinensis &
 Vien-

Viennensis. Bremensi subsunt, Lubecensis, Razeburgensis, Schuerinensis, Sclesuicensis & Lebusiensis. Bifontino, Basileensis, Lausanensis, & Belicensis, hisce addit *Pet. Gudsem. in suo Apolog. ca. 18.* Rigensem & Pragensem, sed quia hic Bohemo & ille Polono parent, nec omnes eorum suffraganei Imperio, quoad eos & reliquos Germaniæ Episcopos, refero me ad matriculam imperii & *Pet. Gudsem. d. loc. Tob. Paurmeist. de Jurisdic. lib. 2. cap. 1. Matth. Stephan. lib. 3. de Jurisdic. part. 1. cap. 7.* Cameracensis habet quidem votum & sessionem in Comitibus imperii non tanquam Archiepiscopus, licet in suo tractu talis reputetur, sed tanquam Episcopus.

TITVLVS III.

De Electione Episcopi.

1. **E**piscopi quomodo olim electi sint.
2. **H**odie eliguntur à Clero.
3. **N**on admittuntur ad maiores ecclesias nisi nobiles vel graduati.
4. **O**missa forma, Electio est nulla.
5. **N**ulliter electus, iterum eligi potest.
6. **I**ndignum eligentes, priuantur Electione.

L **O**LIM Episcopus designatus siue nominatus fuit à summo Pontifice, *6. l. dist.*